

Ventricular Septal Defect

Leina:

1. Ventricular septal defect.

Tlhalošo:

Na ventricular septal defect ke eng?

Ventricular septal defect (VSD) ke lešoba leo le lego lebotong la pelo, magareng ga diphapoši tše pedi tša pelo.

Mošoba o o dumelela madi go feta ka go ona, gomme se se dira gore madi a fete ka “tsela ya go se be ya maleba”. Kgatelelo ye e lego ka lehlakoreng la ngele gantši e ba godingwana gomme madi a elela go tšwa go la go ja go ya go la ngele (lethopo la ngele go ya go la go ja). Se se dira gore go be le madi ao a oketšegilego ao a fetago ka maswafong.

Ventricular septal defects ke ona maemo ao a tlwaelegilego a malwetši a pelo. A ka ba gona ka boona goba a ka hlakana le malwaetši a mangwe a pelo.

Na ditlamorago tša ventricular septal defect ke dife?

Tshepelo ya madi go tšwa go la ngele go ya go la go ja ke yona yeo e hloago bothata bjo. Ditlamorago tša bothata bjo di fapana go ya le ka bogolo bja mošoba, go tloga go o monnyane (bonolo) go ya go o mogolo (tseneletšego). Lešata la go elela ga madi ge a feta mošobeng o le ka kwewa ke ngaka ge e šomiša sedirišwa se se ikgethileng (mankgwanyane). Lešata le ngaka e le kwago le bitšwa ngongorego.

Madi a koketšo ao a elelago maswafong a dira gore pelo e šome ka boima, gomme se se ka bonwa ge ngwana a hema ka lebelo, a lapa, a hema ka lebelo gomme a etšwa kudumela ge a e ja (masea), go bana ba bagolonyana, ba lapa ka pela go feta bana ba mengwaga ya bona gomme ba tsenwa ke malwetši a kgara le ‘Mpshikela’ kgafetšakgafetša. Malwetši a gantši a ba a kotsi kudu. Bana ba gantši ga ba tselwe ke mmele..

Mafelelong, koketšego ye ya madi e dira gore go be le kgatelelo ye e lego godimo ya maswafo. Se se kweša maswafo bohloko. Se se tloga se le kotsi gomme mošoba o o swanetše go tswalelwa pele ga ge se se direga.

Na ventricular septal defect e ka alafšwa bjang?

Kalafu ye e lego gona ke go tswalela mošoba. Se gantši se dirwa ka mokgwa wa opareišene. Mabakeng a mangwe mošoba o o ka tswalelwa ntle ga go dira opareišene ka go bea “sethibo” lešobeng ka laboratoring ya go lekola ge eba go bolokegile go ka dira opareišene.

Ge go sa emetšwe opareišene, dihlaro di ka fiwa bana go thuša pelo gore e kgone go šomana le mošomo wo o boima gore ngwana a kwe bokaone. Dihlaro tše ga di tswalele mošoba.

Bana gantši ba romelwa ngakeng ya go šoma ka dijo gore ba kgone go hwetša dijo tša maleba tše di tla ba thušago mebele ya bona go kokotlela ge ba sa emetše opareišene.

